

Powšitkowne WOZJEWJENJA

njedzelu, 14. julija 2024

„Nóc tysac swěčkow“

Na zahrodze klóštra Marijineje hwězdy w Pančicach- Kukowje dožiwja wopytowarjo sobotu, 20. julija, wot 19.00 hodž. zaso „Nóc tysac swěčkow“. Hač do zaswěćenja swěčkow poskića pisany program na jewišću.

Swjata spowědź w Róžeńce

Wšitcy, kotřiž chcyli porciunkulski wotpusk zdobyć, maja w Róžeńce składnosć, sakrament swjateje spowědže přijec, a to sobotu, 3. awgusta, wot 17.00 do 18.00 hodž. Spowědnicy budu fararjo Michał Anders, Gerat Warnar, Šćěpan Delan a dr. Michael Kleiner.

„Što tam spěwa, lěta, šumi?“

Pod hesłom „Što tam spěwa, lěta, šumi?“ přeprošuje sekcija Swójba Towarstwa Cyrila a Metoda z.t. (TCM) w kooperaciji z Dekanatnym dušepastyrstwom za džěci na zhromadny dzeń za šulerjow wot 4. do 6. lětnika w Njeswačanskim hrodze, kotryž budže sobotu, 10. awgusta, wot 10.00 do 14.00 hodž. Pod nawodom Madleny Mičkec, projektoweje sobudželačerki tamnišeje přirodoškitneje stacije, a Guida Budarja, zastojnika w zawodze Sachsenforst, budu so džěci z Božej stwórbu zaběrać a zeznajomja so z ptačinu kaž tež štomami swojeje domizny. Nimo toho móža ptački picować a sej kukawč natwarić a sej jón sobu domoj wzać. Za wudawki dnja zběraja wot kóždého wobdžělnika přinošk pjeć eurow. Zajimcy měli so online pod www.posol.de přizjewić. Ličba městnow je wobmjezowana. Je-li zajim jara wulki, TCM samsne zarjadowanje na dalším terminje wospjetuje.

Z busom do Krupki

Na putniku Božu mšu srjedu, 24. julija, w 10.00 hodž. w Krupce pojedže zaso bus. Štóž chcył sobu jěć, měł so w Radworskim Šmitec wozydłownistwje přizjewić, telefonowe čisło (03 59 35) 28 60.

Młodžina do Schmiedeberga!

Kubłanske dny serbskeje młodžiny wotměja so wot pjatka do njedzele, 27. do 29. septembra, w ponowjenym Schmiedebergskim Winfriedowym domje. Wobdžělnicy změja składnosć po přirodže pućować, so zhromadnje modlić a spěwać a so duchownje posylnejć. Zajimcy měli so hač do pónđzele, 29. julija, online přizjewić. Link nańdu pod www.posol.de.

Wulět dekanatneje młodžiny

Wulět dekanatneje młodžiny budže sobotu, 24. awgusta. Přeprošeni su młodostni wot přichodneho 9. lětnika kaž tež młodži dorosćeni. Přizjewjenja přijimuja hač do srjedy, 7. awgusta, na internetowej stronje Worklečanskeho dekanatneho dušepastyrstwa za młodžinu. Link je pod www.posol.de podaty.

Młodźina do Wechselburga!

Pod hesłom „Kreuz und quer“ su młodostni na diecezanske zetkanje młodźiny do Wechselburga přeprašeni. Wone wotměje so pjatk a sobotu, 13. a 14. septembra, w tamnišim klóštrje. Serbscy wobdźelnicy móža sej tam zhromadnje dojeć. Přizjewjenja přijimuje dekanatne dušepastyrstwo za młodžinu we Worklecach, a to hač do soboty, 24. awgusta. Link k tomu kaž tež z dalšimi informacijemi je pod www.posol.de podaty.

Dworowy swjedzeń w Hrubjelčicach

Serbske ewangelske towarstwo a Maćijec swójba přeprašujetej wšitkich Serbow a dalšich zajimcow na lětnje pućowanje a serbski swjedzeń. Započatk je sobotu, 10. awgusta, w 14.00 hodž. na Jaworkec/Maćijec dworje w Hrubjelčicach, Čěchorčanska 16. Wottam podadža so wobdźelnicy a pućowanje do wokoliny. Po swačinje na dworje přizamknjetej so tam w 17.00 hodž. serbska ekumeniska nutrnoś z dekanom Witom Šćapanom a Serbskim superintendentom Krystofom Rummelom kaž tež program ze skupinu Šwintuchi. W bróžni budže bifej z jědzemi přihotowany. Přeprašeni su tež wšitcy, kotřiž chcedža hakle na nutrnoś abo program přińć. Při sylnym dešču započnje so swjedzeń hakle w 17.00 hodž. w Maćijec bróžni.

Prózdniške poskitki w Serbskim muzeju

Budyski Serbski muzej ma w lěčnych prózdninach wšelake poskitki za dźěći. Mjez druhim podadža so na „Slědy serbskich bajow“, zaběraja so ze žiwjenjom w měsće přichoda a zhotowja sej mozaikowe wobrazy. Nadrobny přehlad z terminami a dalšimi informacijemi je pod www.posol.de wozjewjeny.